



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XIII. a Idem.

[urn:nbn:de:hbz:466:1-74544](#)

CAPUT XIII.

^a Idem.

UT nemo presbyterorum ^b xenium, vel emolumenntum quodlibet temporale, immō detrimentum spirituale à quocunque publicè peccante, vel incestuoſo accipiat, ut Episcopo, vel ministris ejus peccatum illius celet, nec pro respectu cuiusque perso-
næ, aut consanguinitatis, vel familiaritatis, alienis communicans peccatis, hoc Episco-
po innotescere detrectet, nec à quoquam pœnitente, aut gratiā, aut favore, vel minus dignè pœnitentem ad reconciliationem adducat, & ei testimonium reconciliationis ferat,
vel quocumque labore dignè pœnitentem à reconciliatione removeat; quia utrumque simoniacum est.

NOTÆ.

^a **I**dem. Ita etiam legitur in prima collectione,
Sub hoc tit. cap. 13. nec amplius in inscriptio-
ne exprimitur, sed in praesenti refertur capitulo 13. Hincmarii Rhemensis Archiepiscopi, quod extat inter ejus capitula tom. 21. Concil. in hac verba. *Vt nemo Presbyterorum xenium, vel quocunq;* emolumenntum temporale, immō detrimentum spirituale à quocunque publicè peccante, vel incestuoſo accipiat, ut nobis, vel ministris nostris peccatum illius reticeat: nec pro respectu cuiusque persona, aut consanguinitatis, vel familiaritatis alienis peccatis communicans hoc nobis, vel ministris nostris hoc innotescere detrectet, nec à quounque pœnitente, vel gratiam, vel favorem, aut munus suscipere presumat, ut minus dignè pœnitentem ad reconciliationem adducat, & ei testimonium reconciliationis ferat, & quocumque labore alium quemlibet dignius pœnitentem à reconciliatione removeat, quia hoc simoniacum, & Deo, & hominibus abominabile est. Et idem Hincmarus in capitulis Archidiaconis daris anno 874. can. 3. cavit, *Vt a Presbyteris xe-*
nianor accipiat, quatenus eorum mala fama co-
operiatur. Et can. 9. Sollicitè provideat, ne vos, vel
Presbyteri negligenter pœnitentes pro aliquo mune-
re ad reconciliationem adducatis, vel post reconci-
lationem eos negligatis, quod simoniacum est. Idem repetitum reperitur in Concil. Frisingen. celebrito anno 1440. can. 20.

^b *Xenium.*) Id est donum, ut exposui in cap. i.
de confus.

^{2.} **Pœnitentem.**) A pœnitentia qualibet pretiū acceptio aliena debet esse: tunc quia sacramentum est, tum quia ad instar judicij habetur, & sacerdotis manus puras esse oportet, ne clementiam, ac impunitatem scelerum vendere, & libertatem peccandi videatur subtrahere: legimus tamen aliquando impunē ab aliquibus redemptum pœnitentia, & interdicta communionis spatium, ut apud Gregorium Turonensem lib. 5. cap. 36. *Nauinus Comes communione pulsus, ad eandem iterum reddit, fa-*
ventibus Episcopis, quos premis, atque adulatio-
ne corrupserat. Et lib. 2. Capitul. tit. 38. legitur, quod-
dam Episcopos sacerdotum reatu solitos fuisse pe-
suniarum exactione vindicare, quod Imperator eò
soci fieri prohibet. Et in veteri canonе falso Con-
cil. Illebit. assignato à Burchardo lib. 19. Decreti,
cap. 75. & ab Ivone parte 15. cap. 88. ita legitur: Qui
in quadraginta ante Pascha cognoverit uxorem suam,
& noluerit abstineat ab ea, unum annum
pœnitent, aut pretium, videlicet 25. solidorum, ad
Ecclesiastribus, aut pauperibus dividat.

COMMENTARIUM.

Circa actum spiritualem omissum pro tempo-
rali pretio non contentiunt. Interpretes, an
simonia sit, vel non? Et eo casu simoniā committit, probari videtur in hoc textu, cuius auto-
ritate docerunt, in pura omissione actus spiritua-
lis, pretio, aut favore, simoniā committi. Glos-
sa, Panormit. & Felinus, Paludanus in 4. dist. 25.
quest. 5. Contrariam verò sententiam, videlicet non committi verè, sed impropiè simoniā, se-
cundum quandam similitudinem, existimarent In-
nocentius, Hoffiensis & Joannes Andreas, Vi-
ctoria relect. 2. de simon. Aragon. 2. 2. quest. 100.
art. 1. Binsfeldius in praesenti, qui texum hunc ac-
cipiunt de simoniā similitudinaria, & impropria. Sed hanc questionem variis distinctionibus ad-
ductis explicant Barbosa hic, Gibalinus de simon.
quest. 6. consuet. 12. juxta quorum doctrinam
scindunt, Alexandrum in praesenti duas suæ
decisionis partes proponere. In priori parte duos
decidit casus. Primus videlicet, est quando presby-
ter, id est parochus, aliquod emolumenntum tem-
porale recipit à publico peccatore, ut Episcopo,
vel ejus Vicario celet peccatum illius. Secundus,
cum ipse propter consanguinitatem, vel familia-
ritatem alicujus ejus peccatum celat, ne innotef-
cat. Quibus casibus certum est, presbyterum pec-
care contra officium, justitiam, & charitatem. Vnde turpiter accipi pretium pro fute non reve-
lando, aut servo fugitivo non indicando, doce-
tur in l. 4. §. 1. ff. de condic. ob turpem. Atamen
his duobus casibus nulla propriè committitur si-
monia, nisi in tali occultatione utatur parochus
aliquā potestate spirituali. In secunda parte deci-
duntur ab Alexandro alijs duo casus. Primus est cum
presbyter peccatorem non verè pœnitentem pro-
pter gratiam, & favorem ad reconciliationem ad-
mittit, ut ita testimonium reconciliationis ferat.
Secundus cum ipse parochus propter favorem, aut
odium removet à reconciliatione pœnitentem.
Quibus duobus casibus verè simonia committit-
tur, cum potestas spiritualis exerceatur, aut omit-
tatur ob pretium, aut favorem. Vnde illa verba
Alexandri, quia simoniacum ad vitrumque, ad hos
duos casus in secunda parte relatios referunt. Sua-
rez lib. 4. de simoniā cap. 22. num. 14. Barbosa hic,
num. 2. Et si adhuc instes, ad totam constitutio-
nem referenda esse prædicta verba, supponendum
est, prioribus casibus ultra omissionem intercel-
fisse exercitum aliquod spiritualis potestatis, ut
docuit Gibalinus supra, consuet. 3. qui inde infert
resolutionem ad varios casus, in quibus propter
omissionem actus spiritualis simonia committitur.